

SPORAZUM

O NAUČNO-ISTRAŽIVAČKOJ I POSLOVNO-TEHNIČKOJ SARADNJI

zaključen između:

1. Univerziteta u Sarajevu - Prirodno-matematički fakultet, ul. Zmaja od Bosne 33-35, PIB: 4200494560252, koga zastupa prof. dr. Nusret Drešković (u daljem tekstu: Fakultet).

i

2. Zavod za javno zdravstvo Kantona Sarajevo, ul. Mustafe Pintola 1/III, 71 000 Sarajevo, Bosna i Hercegovina, registrovan pod brojem 07805497, koga zastupa dr. med Zlatan Hamza

Član 1.

Predmet ovog sporazuma je regulisanje međusobnih odnosa u naučno-istraživačkoj i poslovno-tehničkoj saradnji u cilju poboljšanja, unapređenja i razvoja obje partnerske strane između Univerziteta u Sarajevu – Prirodno - matematičkog fakulteta i Zavoda za javno zdravstvo Kantona Sarajevo.

Član 2.

Naučno-istraživačka i poslovno-tehnička saradnja prema ovom Sporazumu između Univerziteta u Sarajevu – Prirodno-matematički fakultet (dalje u tekstu "PMF") i Zavoda za javno zdravstvo Kantona Sarajevo (dalje u tekstu "ZZJZKS") obuhvata:

- a) Naučna i stručna istraživanja u kojima se, u skladu sa uzajamnim interesima, pri prijavi i sprovedbi projekata razmjenjuju podaci između PMF i ZZJZKS, a u skladu sa unutrašnjim pravilima obje partnerske institucije;
- b) Zajedničke organizacije kurseva, konferencija, seminara, radionica, ljetnih škola za studente, stručnjake, istraživače, nastavno osoblje i javnost, gdje se na osnovu zajedničkog dogovora udružuje osoblje PMF i ZZJZKS u cilju transfera znanja i vještina;

- c) Zajednička istraživanja u kojima se, u skladu sa uzajamnim interesima, pri prijavi i provedbi projekata angažira osoblje, prostori i oprema obje institucije;
- d) Izrada radova I i II ciklusa kao i stručnih radova i disertacija;
- e) Zajedničke pripreme publikacija, saopštenja i brošura uz saglasnost odgovornih lica i uz saglasnost obje partnerske institucije;
- f) Zajedničko učešće u nacionalnim i međunarodnim projektima;

Oblasti u okviru kojih će biti realizovana saradnja su prirodno-matematičke nauke i tehničko-tehnološke nauke.

Član 3.

Saradnju iz člana 2. ovog Sporazuma potpisnici će realizirati stvaranjem kompetitivnih timova ili angažiranjem pojedinaca iz partnerskih institucija. Odgovorno lice za koordinaciju saradnje će biti dekan PMF i direktor ZZJZKS, odnosno osoba sa Fakulteta koju ovlasti dekan odnosno direktor ZZJZKS.

Član 4.

Uslovi za provođenje saradnje i primjenu ostvarenih rezultata se dogovaraju za svaku aktivnost posebno. Predmet saradničke aktivnosti za određeno razdoblje dogovarat će se na zajedničkim sastancima koje saziva dekan PMF i direktor ZZJZKS ili osobe koje su ovlaštene za koordinaciju, po potrebi. Provedba saradnje će se temeljiti na pisanim ugovorima, koji će određivati sve uvjete saradnje za pojedini slučaj. Istodobno će se obavljati procjena kvaliteta aktivnosti iz prethodnog razdoblja.

Član 5.

Detaljnija međusobna prava i obaveze po svakom predmetu saradnje biće uređene posebnim sporazumima.

Član 6.

Sporazumne strane se obavezuju da će sve zajedničke poslove koji nisu obuhvaćeni ovim sporazumom, dogovorno i ravnopravno utvrditi i urediti.

Član 7.

Sporazumne strane pri realizaciji ovog sporazuma, kao i posebnih sporazuma koji proizilaze iz njega, obavezuju se da će preduzete obaveze ispunjavati u potpunosti i blagovremeno, da će se pri tome pridržavati važećih propisa i pravila struke.

Član 8.

Svaka strana može da otkáže ovaj Sporazum ako se u roku od 30 dana od dana obavještenja o otkazu Sporazuma ne postigne dogovor o spornim pitanjima ili se ne potpišu izmjene i dopune ovog Sporazuma. U tom slučaju, potpisnici su dužni završiti aktivnosti koje proizilaze iz ovog Sporazuma, a koje su započete i koje su u tom momentu u toku, a čijim stopiranjem ili ne završavanjem potpisnicima bi uzrokovali materijalne štete.

Član 9.

Svi sporovi koji eventualno proisteknu iz ovog Sporazuma, sporazumne strane će riješiti međusobnim dogovorom, a ako se u tome ne uspije spor će rješavati nadležni sud u Sarajevu.

Član 10.

Ovaj Sporazum sačinjen je u 4 (četiri) istovjetna primjerka, od kojih svaka strana dobija po 2 (dva) primjerka.

Univerzitet u Sarajevu –
Prirodno- matematički fakultet



Prof.dr. Nusret Drešković, Dekan

Broj: 01/01-323/3-2025

Sarajevo, 14.04.2025.

Zavod za javno zdravstvo Kantona Sarajevo



Dr. med. Zlatan Hamza, Direktor

Broj: 05.14.110-4421/25

Sarajevo, 24.04.2025.

